

## 09.03 PROFIL

---

### **Nicolas Pernet – «Far quints fatsch jau per rumantsch, ma jau siemiel per tudestg»**

*Quai di Nicolas Pernet ch'è a partir dal pim da schaner il nov directur da RTR. Creschì si è Nicolas Pernet a Sent, ma a chasa cun ses geniturs ha el discurrì tudestg, perquai che lezs derivan da la Svizra tudestga.*



Ch'il grond sto esser l'interessant è ina malchapientscha. Savens saja precis sutsura. Pli pitschen ch'ins è e dapli libertads ch'ins haja e dapli ch'ins possia empruvar ora. Quai di Nicolas Pernet davart ses motiv da midar dal concern Ringier tar RTR. 10 onns ha el lavurà per Ringier en differentas funcziuns, suenter avair studegià a Son Gagl e suenter segiurns a l'University of Michigan e l'École des Hautes Études Commerciales de Paris. Il 2010 ha el promovì a Son Gagl. Cun el sco nov directur na vegnia per il public fidaivel betg a sa midar bler tar RTR. Ma per quels che na taidlan RTR hai num: tadlai bain, nus essan pronts, stai attents, nus ans occupain bainprest da vus. Sche Nicolas Pernet ha in'idea, lura na po quai betg ir spert avunda cun realisar quella. Jau sun in zic gnervus sche jau sent ch'in-satge na va betg vinavant.

*Redacziun: Claudia Cathomen*